

برنجی سنه ۰ نومرو ۲

برنسیخه یی ۱ چار نکه در

۱۵ ذی الحجه سنه ۱۴۹۶



مجموعه علوم

هر عربی ایک برزده واون بشنده نشر اولنور

باب مسدود در دیو جمله و صایاسندن قلمشدر
امدی طاب حق کر کدر که انصاف ایله اکر
غوا مض کلمات مشایخی فهم مرتبه سنده دکل
ایسه اول مقام دن دم اور میوب کندری شک وشبهه
دخل و تعرض ورطه لره دوشور میه شیخ حقه ده
حسن ظن اولی در اتمدی کی تقدیرده سوء ظن
مسلكنه کتمیه عامه مؤمنین حالنه لایق اولان
بودر الله تعالی حسن ظنه موفق ایلیه

بحث حادی عشر لعن یزید بحثی در

بو بحث دخی معرکه اراوساثر ابحا ثدن قدیمدر
بنی امیه وال عباس وسنی وشیع یکنده سائر
ودائر اولوب اول زماندن بروسورینور بحثدر
اصلی بودر که حضرت فخر عالم صلی الله علیه
وسلم بعثتی ایله دوات اسلامیه ظهور ایدوب
دین مبین امورنی تمشیت طرح اساس حکومت
وآیین دوات اقتضا تمکله کندیلری زمان سعادت لرنده
نبوت ایله سلطنت یکنی جامع اولدیلر الخلافه
بعدی ثلثون سئنه بیورد قلری اوزره اوتوز سئنه
خلفاء راشدین اجراء احکام دین ایایوب مدت
خلافه تمامندنضکره ثم تکنون ملوکا عضوضا
فحواسنجه دوات طالبلری حکم غالبک قضیه سیله
عمل ایدوب حرکت کلدیلر غرض بلالی صورتا
بعض امر دینه متعلق دعوالره یاشوب اول بهانه
ایله حضرت عثمان و حضرت علی رضی الله عنهما
عصر نده نیچه نزاع و جنک اولوب متغلبین دن
شامده بنی امیه دولتی ظهور ایلدی اهل اسلام
اراسنه اختلال دوشوب فرقه فرقه اولدیلر دولت
بنی امیه و بنی هاشم اراسنده نزاع اوزره قالبوب
حضرت امام حسن خلافت دعواسندن فراغت
ایدیچک دولت بنی امیه ده قرار ایلدی لکن
بنی هاشم طرفه بوخصوص غایت کران کلوب
جکرگاه اولدی هضم مشکل اواغله حضرت
امام حسن مدینه دن قالدرب دولتی انتراع

مصلحتی ایچون عراق عربیه کوتوردیلر بنی امیه
طرفی اکاه اولدقده اعوان وانصاری بهر حال
عادت اوزره مدافعه به قائم اولدیلر و کربلا وقعه سی
ظهور یدوب اول اراده امام حسین رضی الله عنه و اتباعی
شهید اولدیلر وقعه مذکوره هجرتک التمش
برنجی یکنده اولوب اول زمان شامده یزید بن
معاویه پادشاه ایدی بوخصوص بنی هاشمه
داغ درون اولوب سیف ایله انتقام قابل اولمچق
لسان ایله یزیده و اتباعنه شتم ولعنه باشایوب انکله
تشیغ غیظ ایدرلردی شیعیلر اراسنده بوماتم
ولعن اول زماندن عادت قالبوب کیدرک سنی لره
دخی سرایت ایلدی یوز اوتوز ایکی سئنه سنده
بنی هاشمدن آل عباس ظهور ایدوب بنی امیه
استیصال اولدقده سب ولعن ارتوب شیعیلردن
نیچه سی مذهب رفضه تابع اولوب حاشاسب
شیخین اتمکه باشلدیلر حضرت علی و اولاد
علی حقه ده خوارج تفریط اتدیکی کبی روافض
افراط ایلدیلر آل عباس عصر نده اهل سنت
علماسی ایله علماء شیعه یکنده بو بایده نیچه
قیل و قال اولدی عقائد اسلامیه یاز یلوب اصول
کتابلری تدوین اولوب اصحاب کرام حقه ده
عامه اهل اسلامه واجب اولان اهل سنت
اعتقادنی بویله بیان ایلدیلر که عموم اوزره صحابه
خیره ذکر اولنه و شره متعلق اولان کلام انلر حقه ده
لسانه کلیه و جمله سئنه حسن ظن اولنوب ارا لرنده و اق
اولان نزاع وجدال خصوصند دنیله که انلر جمله مجتهد
لردر مجتهد خطا ایلمک جائزدر اصابه ایدر سه ایکی اجر
خطا ایدر سه بر اجر واردر عندالله جمله سی مثاب
وما جورلردر و حضرت علی و معاویه خصوصنده
دنیله که معاویه رضی الله عنه اجتهدده خطا
اتدی حق حضرت علی رضی الله عنه طرفنده
ایدی اما یزید خصوصنده اختلاف ایدیلر
منزبور صحابه دن اولیوب یکر می بش سئنه سنده

طوغوب الشمس دورته وفات اشمدر جمهور
علماء شیعه غرض سابقه بناء مزبور حقه
لغنی تجویز ایلدیلر بعض اهل سنت علمایی
دخی یزید فاسق و کافر در کفرنه بعض شعری
دلالت ایدر دیوانله تابع اولدی فقهائ شافعیه دن
بشیوز دورته وفات ایدن ابو الحسن علی بن محمد
کیا هراسی و متأخریندن سعدالدین تفتازانی
کبی اما اکثر اهل سنت تجویز اشمدر امام
غزالی عدم جواز نه مفصل فتوی و یروب منع
ایلدی کافر و شیطان به کسه لعن اتممک
اولی در دیدی و امام سراج الدین علی بن عثمان
اوشی دخی اصول دینه نظم ایلدیکی بقول
العبد قصیده سننده ولم یلعن یزید بعد موت
دیدی بوند نصکر خلق اراسنده فرعون کبی
سوء ظن و شقا ملاحظه سی رسوخ بولوب
یراشدی قالدی و مقام شتم و ذمه یزید لفظی
ضرب مثل و مستعمل اولوب غرض اصلی دن
قطع نظر مجرد تقلید محضله لالحب علی ولا
لبغض معاویه اکثر خلق لعن ایدر اولدیلر
نه امام غزالی سوزی قولاً قاریه کیردی نه بقول
العبد تبیهن اشدیلر حتی برز بهایم مقوله سی
اشخاص معاویه به بله لعن ایدوب مائی کیمدیلر
انلره بو باده نزاع بی معنی در زیر اصلی باطل
تعصبه یا خود جهله تقلیده مبنی در نهایت طالب
حد و وسط اولان بی غرض اهل سنت علمایی
مسلمکنی اختیار ایدوب امام غزالی فتوا سیله
عامل اولور و بیک ییلدن برو کچن معنایه
قاریشوب بهوده حماقت ایلمز مزبور فتوی
وفیات ابن خلکانده حرف عین ده کیا هراسی
ترجمه سننده مـ طور در

۷ بحث ثانی عشر بدعت مجئی در

بدعت اولدر که امـور دینه دن و دنیـویه دن
صدر ثانی ده یاد دخی صکره ظهور ایلیه حضرت

پیغمبر صلی الله علیه وسلم و اصحاب کرام زمانده
اولیوب سنه قوله و فعلیه و تقریریه دن بری
ایله اکا اشارت اولنیه و حقه اثار دخی بولنیه
بو مقوله سننه ایکی قسمدر بر نه بدعه حسنه
دیرلر اول زماندره اولیوب صکره اقتضا حسبی
ایله ائمه دین تجویز اشدکاری در مناره لر بنایی
و تألیف کتب کبی بر قسمی دخی بدعه سیئه در
اعتقاد یانده اهل سنتدن غیری فرق ضاله عقائدی
کبی عملیایده خلق کندی زعمنجه عبادتله اختراع
اتمک کبی بونلرک هر برینک احکامی کتب
شرعیده مفصل و مشروح یازلشدر بزاتلری
بیان صدندنه دکلز انجیق انی ذکر ایدر زک
بو جهله بدعتلر بین الناس عرف و عاده مبنی در
بر بدعت بر قومک اراسنده یرلشوب قراردادده
اولدقد نصکره امر بالمعروف نهی عن المنکر در
دیو خلقی منع ایدوب اندن دوندرمک ارزو سننده
اولق عظیم حماقت و جهلدر خلق املوف
و معتاد اولدوغی معنایی اگر سنت و اگر
بدعت ترک اتمزلر مکر بر صاحب سیف
جهله سن قتل عام ایلیه مثلاً اعتقادده اولان
بدعتلر ایچون سنی پادشاهلر نیچه جنکر و قتالر
اندیلر اولدی عملیایده اولان بدعتلر حقه دخی
هر عصرده متشرع و متقی حاکمرو و اعظملر نیچه
ییللر نصب نفس ایلیوب خلقی بر بدعتدن
دوندوره مدیلر امدی خلقی عادتن ترک ایلمز
هر نه ایسه الی ماشاء الله سوریلور کیدر انجیق
حکامه اهل اسلام نظامی حمایه و شرائط و ارکان
اسلامی جمهور ییننده محافظه لازمدر و اعظملر
دخی عموم اوزره خلقی سننه ترغیب و بدعتدن
تخصیر بابنده رفقله و عطف و نصیحت ایله اکثفا
ایدیچک اوزرلر نه لازم اولان وظیفه بی ادا اتمش
اولورلر طوتمـتی خلقه قالور کوجله طوتمـتی
اولساز و بالجهله بو باده تعمیق و تدقیق مفید